

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, de 15. Januar 2019

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Educatiounsminister weiderzeleeden.

Nieft deenen Elteren, déi hir Kanner selwer doheem versueren, ginn et haut aus ënnerschiddleche Grënn vill Elteren, déi hir Kanner an enger Dagesstruktur oder bei Dageseltere betrieie loossen. Den nationale Bildungsbericht verschaaft ënner anerem en Abléck an d'Zuelen, déi d'Notzung an d'national Offer u Plazen an esou Dagesstrukturen duerleeën.

An dësem Kontext wéilt ech dem Här Educatiounsminister gär folgend Froe stellen:

- 1) Wéi vill Kanner vun 0 bis 12 Joer mat abegraff si rezent zu Lëtzebuerg ugemellt?
- 2) Am Joer 2017 waren dem nationale Bildungsbericht no 55,5% vun de Kanner, gemooss un der Gesamtbevëlkerung, zu Lëtzebuerg an enger Struktur vun der non-formaler Bildung ugemellt. Kann den Här Minister dës Zuel no Alterskategorië präziséieren? Sinn dem Här Minister och d'Zuele vun 2018 bekannt?
- 3) Den Ausbau vun de verfügbare Plazen a Kannerdagestrukturen huet zu engem intensivéierten Notze vun dëser Offer gefouert. Mat wat fir engem Impakt op dës Zuele rechent de Minister duerch d'Aféiere vun der gratis Kannerbetrieung baussent de Vakanzzeiten?
- 4) Am Schouljoer 2016/17 waren dem nationale Bildungsbericht no 4615 Kanner hei zu Lëtzebuerg am Precoce ugemellt. Sinn dem Här Minister och d'Zuele vum Schouljoer 2017/18 an déi rezent Zuele vum aktuelle Schouljoer 2018/19 bekannt?

Mat déiwem Respekt,



Fernand Kartheiser  
Deputéierten